

Dapat kerja, dapat latihan

Alor Setar: "Sikap dan pemikiran harus diubah dulu." Itu pegangan Eksekutif Kanan Transformasi Pengurusan Pejabat Pihak Berkuasa Pelaksanaan Koridor Utara (NCIA), Umi Zahira Mohd Mohaiyidin, 28 yang memanfaatkan potensi dirinya menerusi Skim Latihan 1Malaysia (SLIM) sehingga diterima bekerja di NCIA.

Menurut anak sulung daripada lima beradik berasal dari Ipoh, Perak ini, dia memperoleh ijazah sarjana dalam bidang ekonomi dari Universiti Putra Malaysia (UPM) pada 2013 dan menyertai SLIM untuk mengubah masa depan.

"Sebelum bersama NCIA, saya melakukan pelbagai kerja sambilan termasuk di universiti swasta. Saya mendapati SLIM platform terbaik untuk mencuba mendapatkan pekerjaan," katanya ditemui pada Program Temuduga Terbuka SLIM Peringkat Zon Utara dan Festival Keusahawanan Industri Asas Tani 2017 di Stadium Sultan Abdul Halim, Jalan Suka Menanti, di sini.

Dia kagum kerana SLIM bukan sekadar platform mencari pekerjaan, tetapi turut menyediakan skim latihan.

"Apabila mengikuti SLIM, selain ilmu dalam bidang ekonomi, saya kini mampu memberi pererangan mengenai bidang kejuruteraan dan pengurusan."

"SLIM amat bermanfaat kepada masyarakat kerana banyak potensi diri dapat diketengahkan," katanya.

Sementara itu, graduan institusi pengajian tinggi menganggap SLIM sangat membantu khususnya bagi mereka di luar bandar mendapatkan pekerjaan.

Bagi Graduan Kolej Universiti Agrosains Malaysia, Noor Aniza Idris, 21, program SLIM memberikan dia gambaran yang luas mengenai prospek pekerjaan yang boleh disertai.



“Walaupun tinggal di luar bandar, SLIM memberi kemudahan kepada saya untuk mencari pekerjaan berdasarkan lulusan Diploma Pengurusan Ladang yang dimiliki”

Noor Aniza Idris



“Penganjuran SLIM turut mendedahkan masyarakat berkaitan peluang keusahawan tani yang mempunyai potensi besar”

Fadilah Mat Ali

kerjaan berdasarkan lulusan Diploma Pengurusan Ladang yang dimiliki.

"Saya tidak mahu tertumpu kepada kelulusan saja kerana ingin mencuba bidang pekerjaan lain yang sesuai dan mampu menjamin masa depan," katanya yang berasal dari Kuala Nerang.

Rakannya, Fadilah Mat Ali, 22, yang juga graduan bidang kulinari berkata, penganjuran SLIM di Kedah amat bagus kerana turut mendedahkan masyarakat berkaitan peluang keusahawan tani yang mempunyai potensi besar.